



2020-6

24. november 2020

All. nr./notatnr.:

2020-907-0001-8

Sull./sagsbeh.: MALL/jh

Pineqartoq: Tamanut saqqum-
miussineq, kommunit ileqqoreq-
qusaat

Kommunip ileqqoreqqusaanik tamanut saqqumiussisanngi- neq

*Qeqqata Kommuniata ileqqoreqqusaminik tamanut saqqummiussisitsisar-
nera Ombudsmandip naammagittaalliuutitut siusinnerusukkut suliaq tun-
ngavigalugu nammineerluni misissuiffigaa.*

*Ombudsmandi isumaqarpoq kommunip ileqqoreqqusani arlallit piffissami
2014-imit 2020-mut inatsiseqartitsineq atuuttoq tunngavigalugu tamanut
saqqummiutsittarsimannikkai, ileqqoreqqusammi saqqummiussisarneq
pillugu Namminersorlutik Oqartussat nalunaarutaatigut nr. 1-ikkut, 2. ja-
nuar 2013-imeersukkut aalajangersarneqartutut nittartakkakut www.naalakkersuisut.gl-
ikkut tamanut saqqummiutsinneqartarsimannimmata.*

Tamanna Ombudsmandip isorisarialittut isigaa.

*Tamanut saqqummiussineq inatsisiliornerup ingerlanerani qitiusutut tun-
ngaviusutullu ilaavoq, inatsisini malittarisassat oqaasertaannik eqqoqqis-
saartunik pisortatigoortumik paasissutissiinermik qulakkeerisussa.*

*Ombudsmandip tamanna pillugu isumaliutersuutai kommunip isumaqati-
gai, oqaatigalugu suleriaatsit kommunip allanngortinniarai, taamaalilluni
kommunip massakut siunissamilu ileqqoreqqusaasa inatsiseqartitsineq a-
tuuttoq tunngavigalugu tamanut saqqummiunneqartarnissaat kommunip
qulakkiissallugu.*

Tamanna Ombudsmandip tusaatissatut tiguua.

Oqaaseqaammi assilinera Ombudsmandip kommuninut allanut sisamanut ilisimatitsissutitut nassiuppaa.

(Oqaaseqaat 24. november 2020-meersoq, j.nr. 2020-907-0001)

Ombudsmandip oqaaseqaataa:

"1. Suliaq naatsumik

Qeqqata Kommunia 19. juni 2020-mi qinnuigaara kommunip piffissami 2014-imit 2020-mut ileqqoreqqusai akuerineqarsimasut pillugit takussutissiaq nassuteqqullugu. Kommuni tamatumunnga atatillugu qinnuigaara ileqqoreqqusat taakkua ilaat soorliit kommunip atuuttuusutut isiginerai paasissutissiisutigeqqullugu.

Qeqqata Kommunia aammattaaq qinnuigaara kommunip ileqqoreqqusaanik tamanut saqqummiussisarnermini periaasia pillugu oqaaseqaateqarallaqqullugu.

Qeqqata Kommuniata suliaq pillugu oqaaseqaataa takussutissiartalik 17. juli 2020-mi tiguara.

2. Suut misissorpakka?

Suliaq taanna nammineerluni misissuiffiginninnermik ingerlatsivigaara. Inatsisartut Ombudsmandiat pillugu Inatsisartut inatsisaanni nr. 7-imi, 1. juni 2017-imeersumi § 15, imm. 1 imaattunik aalajangersaasuusoq innersuussutigaa:

"Ombudsmandi suliamik nammineerluni misissuiffiginnilersinnaavoq."

Danmarkimi inatsisilerineq pillugu atuakkiat oqaaseqaatima immikkoortuani 3-mi aallaavigaakka, tassami Kalaallit Nunaanni inatsiseqartitsinikkut tunngaviup Danmarkimi inatsiseqartitsinermi tunngavik innersuussummi taaneqartumi ersertutut pingaarnerusutigut assigimmagu.

Qeqqata Kommunia ileqqoreqqusaminik inatsiseqartitsineq atuuttoq tunngavigalugu piffissami 2014-imit 2020-mut tamanut saqqummiussisitsisarsimnersoq misissorpara.

Oqaatigaara Qeqqata Kommuniata ileqqoreqqusaminik tamanut saqqummiussisitsisarsimannginnerata inatsiseqartitsinikkut sunniutigisinnaasai isummerfiginngikkikka, matumani kommunip ileqqoreqqusai tamanut saqqummiunneqarsimanngitsut tunngavigalugit kommunip ingerlatsinera ilanngullugu eqqarsaatigalugu.

Taamatuttaaq oqaatigaara ileqqoreqqusat aalajangersimasut tamanut saqqummiussineq sioqqullugu atuuttussanngortinneqassanersut isummerfiginngikkiga.

3. Inatsiseqartitsinikkut tunngavigisaq

3.1. Tunngaviusumik Inatsimmi § 22

Danmarkip Naalagaaffiata Tunngaviusumik Inatsisaa pillugu inatsimmi nr. 169-imi, 5. juni 1953-imeersumi (matuma kingornatigut Tunngaviusumik Inatsimmik taaneqartartussami) tamanut saqqummiussisarneq pillugu imaatumik § 22-kkut aalajangersaasoqarpoq:

§ 22. Inatsisissatut sinnersuut inatsisartunit akuerineqartoq inatsisinngussaag akuersissutigineqarneranit kingusinnerpaamik ullut 30-t qaangiutsinnagit kunngimit aalajangersarneqarpat. Inatsisip tamanut ilisimatitsissutigineqarnissaa kunngip peqqussutigissavaa atortuutinneqarnissaalu isumagisarissallugu.”

Tamanut saqqummiussineq inatsisit akuerineqartut inatsisit kimeqalersinnaassappata piunasaqaataavoq. Taamaalilluni tamanut saqqummiussineq inatsisiliornerup ingerlaarnerani qitiusutut tunngaviusutullu ilaavoq.

Tunngaviusumik Inatsimmi § 22-p tamanna isiginiarlugu manna nassataraa, tassalu inatsisit atuuttussanngortinneqartut tamanut saqqummiunneqarnisaat qulakkiissallugu naalakkersuisut/ministerit pisussaaffigigaat.

Tamanut saqqummiussinerup tamatuma saniatigut innuttaasut malittarisassanik imminnut pisussaaffiliisunik pisinnaatitaaffiliisunillu ilisimasaqalernissaannut periarfissippai.

Taamaalillutik innuttaasut pisortatigoortumik paasiniaavimmut paasiniaanisaminnut malittarisassallu suut atuunnerannik paasisaqarnissaminnut periarfissaqalerput.

Ingerlatsinermi inatsiseqartitsineq pillugu atuakkiani ilimagineqarpoq tamanut saqqummiussisoqartarnissaanik Tunngaviusumik Inatsimmi § 22-mi piunasaqaat peqqussutitut, soorlu nalunaarutitut kommunillu ileqqoreqqusaannut aamma atuuttoq.

Jens Peter Christensenip, Jørgen Albæk Jensenip aamma Michael Hansen Jensenip atuakkiaanni "Grundloven med kommentarer"-mi, siullermik (2015-imi) naqitertinneqartumi qupperneq 188 aamma Jens Peter Christensenip, Jørgen Albæk Jensenip aamma Michael Hansen Jensenip atuakkiaanni "Dansk statsret"-imi siullermik (2012-imi) naqitertinneqartumi qupperneq 147 kiisalu Peter Germerip atuakkiaanni "Statsforfatningsret"-imi tallimassaanik (2012-imi) naqitertinneqartumi qupperneq 137 aamma innersuussutigaakka.

3.2. Kommuniq ileqqoreqqusaanik tamanut saqqummiusseriaaseq

Inatsisartut Naalakkersuisullu pillugit Inatsisartut inatsisaanni nr. 26-mi, 18. november 2010-meersumi (matuma kingornatigut Inatsisartut Naalakkersuisullu pillugit inatsimmik taaneqartartussami) Inatsisartut inatsisaatigut nr.

2-kkut, 29. maj 2020-meersukkut kingullermik allannguuteqartinneqartumi tamanut saqqummiussisarneq pillugu makku aalajangersarneqarput:

§ 31. Inatsisartunit inatsisit Namminersorlutillu Oqartussat nalunaarutaat allamik aalajangiisoqarsimanngippat atuutilertarput Inatsisartunit inatsisip Namminersorlutilluunniit Oqartussat nalunaarutaasa ulloq taanna atuutilersutut nalunaarsimanerata kingorna ulloq aallartikkaangat.

Imm. 2. Tamanut saqqummiussineq qarasaasiat atorlugit pisassaaq. Naalakkersuisut tamanut saqqummiussisarnermut maleruagassanik aalajangersaassapput.

Imm. 3. Inatsisartut inatsisaat, Inatsisartut peqqussutaat imaluunniit Namminersorlutik Oqartussat nalunaarutaat tunngavigalugit **kommunit maleruaqqusaliaannut tunngatillugu imm. 1 aamma 2 taamatuttaaq atuupput** [uanga erseqqissagara].”

Qarasaasiat atorlugit saqqummiisarneq pillugu Namminersorlutik Oqartussat nalunaarutaat nr. 1, 2. januar 2014-imeersoq 2. januar 2014-imi atuutilersoq Inatsisartut Naalakkersuisullu pillugit inatsimmi § 31, imm. 2 tunngavigalugu Naalakkersuisut aalajangersarpaat. Tassuuna makku aalajangersarneqarput:

§ 1. Inatsisartut inatsisaasa, Namminersorlutik Oqartussat nalunaarutaasa aamma kommunit malittarisassaasa qarasaasiat atorlugit saqqummiunneqartarneri nittartakkakkut www.naalakkersuisut.gl-ikkut pisarput.

[...]”

Taamaalilluni tamanut saqqummiussineq 2. januar 2014-imiilli kommunit ileqqoreqqusaannut qilersuisuusumik saqqummiusseriaasiusimavoq.

Inatsisartut Naalakkersuisullu pillugit Inatsisartut inatsisaata allannguutaa pillugu Inatsisartut inatsisaat nr. 12, 29. november 2013-imeersoq (Qarasaasiat atorlugit tamanut saqqummiisarneq) pillugu oqaaseqaatini tamanna tunngavigalugu immikkoortumi 1-imi makku erseqqissarneqarput:

“Tamanut saqqummiussineq periaasiuvoq pinngitsoorani aammalu malittarisassat malillugit pisartussaq maleruagassanik saqqummiussisarnermut tunngatillugu. Periaasissap piviusunnigortinneratigut qulakkeerneqassaaq inuiaqatigiit male-

ruagassiap imarisaanik ilisimasaqalernissaannut periarfissinneqarnissaat, tamanullu saqqummiussineq taamaattumik **pisariaqartumik piumasaqaatitut isigineqarpoq, maleruagassiap innuttaasunut atortussanngortinneqarnissaanut atatillugu**. Tamanut saqqummiussisarnermut periutsip taamaasilluni inatsisitigut isumannaatsuunissamut tunngasutigut pisariaqartinneqartut isumagissavai, nutaanik inatsisiliat assigiissaartumik inuiaqatigiinnut saqqummiunneqartarnissaannut atasumik [uanga erseqqissaanera].”

4. Kommunip isumaa

Qeqqata Kommuniata uannut oqaaseqaammi 17. juli 2020-meersumi ilaatigut makku oqaatigai:

“Inatsisinik ileqqoreqqusanillu tamanut saqqummiussisarnerup inatsisiliornerup ingerlanerani qitiusutut tunngaviusutullu ilaananik Ombudsmandip isumaliutersuutai isumaqatigaavut.” (Ombudsmandeqarfimmi nutsigaavoq)

Qeqqata Kommuniata aammattaaq makku ilaatigut oqaatigai:

“[...] Naalakkersuisut Siulittaasuata Naalakkersuisoqarfiani Inatsisileriffiup kommunit ileqqoreqqusaasa atuuttussanngortinneqartarneri tamanullu saqqummiunneqartarneri pillugit ilitsersuutip malinnissaa anguniaratsigu, tamatumani qullersaqarfiup allattoqarfiata kommunaldirektørillu sukkulluunniit tamatuma qulakkeerneqarnissaa akisussaaffigissallugu.” (Ombudsmandeqarfimmi nutsigaavoq)

Qeqqata Kommuniata ileqqoreqqusat arfinillit pillugit takussutissiaq imaattoq kommunip uingasunik allallugit oqaaseqaataanik ilalik tamatuma saniatigut nassiuppaa:

“- Qeqqata Kommuniani oqartussaasoqarfiit assigiinngitsunik suliallit isumaginninnermi suliaasat pillugit suleqatigiinnissaannut ileqqoreqqusaq 17. marts 2015-imi atuutilerpoq.

Ileqqoreqqusaq Naalakkersuisunit atuuttussanngortinneqarsimavoq, tamanulli saqqummiunneqarani. Taamaattumik Qeqqata Kommunia Naalakkersuisunut, Naalakkersuisut Siulittaasuata Naalakkersuisoqarfianut, 17. julimi allappoq, ileq-

qoreqqusaq tamanut saqqummiunneqarniassammat. Allakkat ileqqoreqqusallu ilanngullugit nassiunneqarput.

- Qeqqata Kommuniani kommunip susassa qarfiini aqutsinermut ileqqoreqqusaq 11. maj 2017-imi atuutilersoq, *tamanut saqqummiunneqarnikuunngilaq, tamatumali kingornatigut nutaamik akuersissuteqartoqarsimalluni – Qeqqata Kommunian kommunip susassa qarfiini aqutsinermut ileqqoreqqusaq, 26. september 2019-imi atsiorneqartoq, 17. julimilu Naalakkersuisunut atuuttussanngortinneqartussatut tamatumalu kingorna tamanut saqqummiunneqartussatut nassiunneqartoq. Allakkat ileqqoreqqusallu ilanngullugit nassiunneqarput.*

- Qamutit motorillit Qeqqata Kommuniani nunaannarmi angallassissutiginiissaat pillugu ileqqoreqqusaq 29. april 2014-imi atuutilerpoq. *Kommunalbestyrelsen 29. april 2014-imi ataatsimiinnerani akuersissutigineqarpoq. Ombudsmandeqarfiup saaffiginninnerata kingorna paasivara ileqqoreqqusaq pineqartoq Namminersorlutik Oqartussanit atuuttussanngortinneqarsimanngitsoq, taamaattumik atuuttussanngortitsinissap killiffia pillugu allakkioqqusisimavunga, atuuttussanngortitsinissarmi pillugu Namminersorlutik Oqartussanik oqaloqateqartoqarsimaneraniq ilisimatinneqarsimagama. Ileqqoreqqusap Naalakkersuisunit piaartumik atuuttussanngortinneqarnissaata qulakkeeqqaarnissaa Qeqqata Kommunian anguniarpaa, tamatumala kingornatigut ileqqoreqqusaq tamanut saqqummiussinnaaniassagatsigu. Suliaq pillugu sukumiinerusumik paasisaqariarutta Ombudsmandi ilisimatikkumaarparput.*

- Qeqqata Kommuniani najukkami ataatsimiititaliamut ileqqoreqqusaq. Ileqqoreqqusaq 29. maj 2019-imi atuutilerpoq. *Ileqqoreqqusaq tamanut saqqummiunneqartussanngorlugu Naalakkersuisunut 17. juli 2020-mi nassiunneqarpoq. Ileqqoreqqusaq allakkallu ilanngunneqarput.*

- Qeqqata Kommuniani Utoqqarnut Siunnersuisoqatigiinnut ileqqoreqqusaq. Taamaallilluni kommunalbestyrelsimit 27. oktober 2016-imi akuersissutigineqarpoq. *Utoqqarnut Siunnersuisoqatigiit pillugit ileqqoreqqusanik nutaanik 1. juli 2020-mi atuutilersunik akuersissuteqartoqarsimavoq. Atugarissaarnermut tunngasunut Allattoqarfiup taakku Naalakkersuisunit tamanut saqqummiunneqartussanngorlugit nassiussimavai. Taakku pillugit paasisutissanik sukumiinerusunik pissarsiniraanni [...] attaveqarfigineqassaaq.*

- Qeqqata Kommuniani eqalunniarnermut ileqqoreqqusaq. Taamaalilluni kommunalbestyrelsimit 28.05.2015-imi akuersissutigineqarpoq.

Tamanut saqqummiunneqarpoq.” (Ombudsmandeqarfimmi nutsigaavoq)

Suliamik suliarinninnerma tamatuma kingornatigut ingerlaqqinnerani malugaara Qeqqata Kommuniata ileqqoreqqusai marluk, tulleriinneri malillugit qitsuuteqarneq aamma qimmeqarneq pillugit ileqqoreqqusat tamarmik www.naalackersuisut.gl-ikkut 11. februar 2015-imi tamanut saqqummiunneqarsimasut kommunip ileqqoreqqusai pillugit takussutissiami kommunip uannut nassiusaani ilaanngitsut. Taamaattumik Qeqqata Kommunian qinnuigaara kommunip ileqqoreqqusai taakku sulii atuuttuunersut uannut paasissutissiisutigeqqullugu.

Tulleriinneri malillugit qitsuuteqarneq aamma qimmeqarneq pillugit ileqqoreqqusat sulii atuuttuusut Qeqqata Kommuniata e-mailikkut 2. november 2020-meersukkut paasissutissiisutigaa.

5. Uanga naliliinera

Qeqqata Kommuniata oqaaseqaataa 17. juli 2020-meersoq takussutissiar-talik kiisalu Qeqqata Kommuniata e-mailia 2. november 2020-meersoq imatut paasivakka kommunip paasinninnera unaasoq kommunip piffissami 2014-imit 2020-mut ileqqoreqqusat katillugit arfineq pingasut akuerisimagai.

Paasivara kommunip ileqqoreqqusaanit arfineq pingasunit taakkunanga ileqqoreqqusat pingasuinnaat uku Namminersorlutik Oqartussat Qarasaasiat atorlugit saqqummiisarneq pillugu nalunaarutaat nr. 1, 2. januar 2014-imeersoq tunngavigalugu tamanut saqqummiunneqarsimasut:

- Qeqqata Kommuniani eqalunniarneq pillugu ileqqoreqqusaq
- Qeqqata Kommuniani qitsuuteqarneq pillugu ileqqoreqqusaq
- Qeqqata Kommuniani qimmeqarneq pillugu ileqqoreqqusaq

Uanga tamanna tunngavigalugu paasinninnera unaavoq Qeqqata Kommunია kommunip ileqqoreqqusaanik arlalinnik piffissami 2014-imit 2020-mut inatsiseqartitsineq atuuttoq tunngavigalugu tamanut saqqummiussisitsisarsimanngitsoq.

Tamanna isorisariaqartutut isigaara.

Malugaara Qeqqata Kommuniata suleriaatsini allanngortinniarai, taamaalilluni kommunip massakkut siunissamilu ileqqoreqqusaasa inatsiseqartitsineq atuuttoq tunngavigalugu tamanut saqqummiunneqartarnissaat kommunip qulakkiissallugu.

Oqaaseqaatip matuma assilinera Naalakkersuisut Siulittaasuata Nalakkersuisoqarfianut nassiuppara, ileqqoreqqusammi Qeqqata Kommuniata Naalakkersuisunut tamanut saqqummiussassanngorlugit 17. juli 2020-mi nassiussimasai www.naalakkersuisut.gl-ikkut sulit tamanut saqqummiunneqarsimanngimmata.

Oqaaseqaatip matuma assilinera Kommuni Kujallermut, Kommuneqarfik Sermersuumut, Kommuni Qeqertalimmut kiisalu Avannaata Kommunianut ilisimatitsissutitut nassiuppara.

Qulaani taaneqartunut atatillugu annertunerusumik iliuuseqaqqissanngilanga.

Oqaaseqaat manna nittartakkanni tamanut saqqummiunneqarumaarpoq 2020-milu ukiumoortumik nalunaarutinni eqqaaneqarumaarluni.

SULIAP INGERLASIMANERA

Kommuninut 19. juni 2020-mi ilaatigut imatut allappunga:

“Qeqqata Kommuniata ileqqoreqqusai eqqarsaatigalugit ajornartorsiutaasinnaa-gunartoq Ombudsmandeqarfimmi naammagittaalliuutitut siusinnerusukkut sulia-mut atatillugu maluginiarpara.

Qeqqata Kommuniata ileqqoreqqusanik pingasunik piffissami 2014-imit 2020-mut Naalakkersuisut nittartagaanni www.naalakkersuisut.gl-imi immikkoortup “Saq-qummiussineq”-p ataani tamanut saqqummiussisimanera maluginiarpara.

Aammattaaq maluginiarpara Qeqqata Kommuniata nittartagaanni www.qeqqata.gl-imi immikkoortup “Politikki / Politikkikkut Ataatsimiititaliat / Qeqqata Kommuniani ileqqoreqqusat”-p ataani kommunip ileqqoreqqusai arfineq marluk nassaassaasut. Kommunip ileqqoreqqusai kommunip nittartagaata ilaani allami taamatutaaq nas-saassaanerat eqqumaffigaara.

Uanga tamanna tunngavigalugu paasinneqqaarnera unaavoq Qeqqata Kommuni-ani ileqqoreqqusat arlallit Kalaallit Nunaanni inatsisitigut malittarisassanik tama-nut saqqummiussisarneq pillugu aalajangersakkat atuuttut tunngavigalugit tama-nut saqqummiunneqarsimagunanngitsut. Pineqartut tassaapput:

- Qamutit motorillit Qeqqata Kommuniani nunaannarmi angallassissutiginnissaat pillugu ileqqoreqqusaq
- Qeqqata Kommuniani kommunip susassa qarfiisa ingerlanneqarneri pillugit ileq-qoreqqusaq
- Qeqqata Kommuniani oqartussaasoqarfiit assigiinngitsunik suliallit isumagin-ninnermi suliaassat pillugit suleqatigiinnissaannut ileqqoreqqusaq
- Qeqqata Kommuniani Utoqqarnut Siunnersuisooqatigiinnut maleruaqqussut

Tamanna tunngavigalugu aalajangerpunga Qeqqata Kommuniata tamanut saq-qummiussisarnermini periaasianik nammineerlunga misissuineru aallartinniarlu-gu.

Inatsisartut Ombudsmandiat pillugu Inatsisartut inatsisaanni nr. 7-imi, 1. juni 2017-imeersumi § 15, imm. 1 innersuussutigaaara, tassuunalu aalajangersarneqarpoq Ombudsmandi suliamik nammineerluni misissuiffiginnilersinnaasoq.

Misissuinermi piffissaq 2014-imit 2020-mut ingerlasoq aallunniarlugu aalajangerpunga, piffissarlu taanna tassaavoq tamanut saqqummiusseriaatsip massakkut atuuttup atuuffigisimasaa. Qarasaasiat atorlugit saqqummiisarneq pillugu Namminersorlutik Oqartussat nalunaarutaat nr. 1, 2. januar 2014-imeersoq innersuussutigaaara.

[...]

4. Suliamik suliarinninnerma ingerlaqqinnera

4.1. Qeqqata Kommunia qinnuigaara kommunip piffissami 2014-imit 2020-mut ileqqoreqqusai akuerisaasut pillugit takussutissiaq uannut nassiuteqqullugu.

Qeqqata Kommunia tamatumunnga atatillugu qinnuigaara kommunip ileqqoreqqusai piffissami 2014-imit 2020-mut akuerineqarsimasut sorliit suli atuuttutut kommunip isiginerai uannut paasissutissiissutigeqqullugu.

4.2. Qeqqata Kommunia aammattaaq qinnuigaara kommunip tamanut saqqumiusseriaasia pillugu oqaaseqaataagallartoq uannut nassiuteqqullugu.

Kommunip ileqqoreqqusai toqqakkat tamanna pillugu tunaartarisassat atuuttut tunngavigalugit tamanut saqqummiunneqarsimanngitsut Qeqqata Kommuniata paasissappagu kommuni qinnuigaara tamanna kommunip qanoq iliuseqarnissaanut pissutissaqalersitsinersoq uannut nalunaarutigeqqullugu.

[...]”

Suliaq pillugu oqaaseqaat kommunip e-mailikkut 17. juli 2020-meersukkut nassiuppa. Kommunip makku tamatumunnga atatillugu oqaatigai:

“Qeqqata Kommunia kommunip ileqqoreqqusaanik kommunip amigartumik saqqummiussisarneranik Inatsisartut Ombudsmandiata maluginneqqusineranut siulertut pingaarnertullu qujassuteqarniarpoq.

Qullersaqarfiup qullersaqarfiullu allattoqarfiata suliassaq misissorsimavaat, tamatumunngalu atatillugu ukuninnga oqaaseqaateqarniarlutik.

Inatsisinik ileqqoreqqusanillu tamanut saqqummiussisarnerup inatsisiliornerup ingerlanerani qitiusutut tunngaviusutullu ilaanerannik Ombudsmandip isumaliu-tersuutai isumaqatigaavut.

Suliap suliareqqinneqarnerani apeqqutigineqartutut kommunip piffissami 2014-i-mit 2020-mut ileqqoreqqusai Qeqqata Kommunianit akuerisaasut ataani takussu-tissiorneqarput, kiisalu Qeqqata Kommuniata oqaaseqaatai *uingasunik* allassi-mallutik.

- Qeqqata Kommuniani oqartussaasoqarfiit assigiinngitsunik suliallit isumaginnin-nermi suliassat pillugit suleqatigiinnissaannut ileqqoreqqusaq 17. marts 2015-imi atuutilerpoq.

Ileqqoreqqusaq Naalakkersuisunit atuuttussanngortinneqarsimavoq, tamanulli saqqummiunneqarani. Taamaattumik Qeqqata Kommunia Naalakkersuisunut, Naalakkersuisut Siulittaasuata Naalakkersuisoqarfianut 17. julimi allappoq, ileq-qoreqqusaq tamanut saqqummiunneqarniassammat. Allakkat ileqqoreqqusallu i-lanngullugit nassiunneqarput.

- Qeqqata Kommuniani kommunip susassaqaarfiini aqutsinermut ileqqoreqqusaq 11. maj 2017-imi atuutilersoq, *tamanut saqqummiunneqarnikuunngilaq, tama-tumali kingornatigut nutaamik akuersissuteqartoqarsimalluni –*

Qeqqata Kommunia kommunip susassaqaarfiini aqutsinermut ileqqoreqqusaq, 26. september 2019-imi atsiorneqartoq, 17. julimilu Naalakkersuisunut atuuttussan-ngortinneqartussatut tamatumalu kingorna tamanut saqqummiunneqartussatut nassiunneqartoq. Allakkat ileqqoreqqusallu ilanngullugit nassiunneqarput.

- Qamutit motorillit Qeqqata Kommuniani nunaannarmi angallassissutiginnissaat pillugu ileqqoreqqusaq 29. april 2014-imi atuutilerpoq.

Kommunalbestyrelsip 29. april 2014-imi ataatsimiinnerani akuersissutigineqar-poq. Ombudsmandeqarfiup saaffiginninnerata kingorna paasivara ileqqoreqqusaq pineqartoq Namminersorlutik Oqartussanit atuuttussanngortinneqarsimanngitsoq, taamaattumik atuuttussanngortitsinissap killiffia pillugu allakkioqqusisimavunga, atuuttussanngortitsinissarmi pillugu Namminersorlutik Oqartussanik oqaloqateqar-

toqarsimaneramik ilisimatinneqarsimagama. Ileqqoreqqusap Naalackersuisunit piaartumik atuuttussanngortinneqarnissaata qulakkeeqqaarnissaa Qeqqata Kommuniata anguniarpaa, tamatuma kingornatigut ileqqoreqqusaq tamanut saqqummiussinnaaniassagatsigu. Suliaq pillugu sukumiinerusumik paasisaqariarutta Ombudsmandi ilisimatikkumaarparput.

- Qeqqata Kommuniani najukkami ataatsimiititaliamut ileqqoreqqusaq. Ileqqoreqqusaq 29. maj 2019-imi atuutilerpoq.

Ileqqoreqqusaq tamanut saqqummiunneqartussanngorlugu Naalackersuisunut 17. juli 2020-mi nassiunneqarpoq. Ileqqoreqqusaq allakkallu ilanngunneqarput.

- Qeqqata Kommuniani Utoqqarnut Siunnersuisoqatigiinnut ileqqoreqqusaq. Taamaalilluni kommunalbestyrelsimit 27. oktober 2016-imi akuersissutigineqarpoq. *Utoqqarnut Siunnersuisoqatigiit pillugit ileqqoreqqusanik nutaanik 1. juli 2020-mi atuutilersunik akuersissuteqartoqarsimavoq. Atugarissaarnermut tunngasunut Allattoqarfiup taakku Naalackersuisunit tamanut saqqummiunneqartussanngorlugit nassiussimavai. Taakku pillugit paasisutissanik sukumiinerusunik pissarsinia-raanni [...] attaveqarfigineqassaaq.*

- Qeqqata Kommuniani eqalunniarnermut ileqqoreqqusaq. Taamaalilluni kommunalbestyrelsimit 28.05.2015-imi akuersissutigineqarpoq.

Tamanut saqqummiunneqarpoq.

Qeqqata Kommuniata tamanut nalunaarutiginneriaasia eqqarsaatigalugu Qeqqata Kommuniata qullersaqarfiani sulisut taarseraannerat pissutigalugu maannamut suleriaasiusimasoq ajoraluartumik kingumut qiviarlunga allaaserisinnaangilara. Ilisimatitsissutigerusupparali Naalackersuisut Siulittaasuata Naalackersuisoqarfiani Inatsisileriffiup kommunit ileqqoreqqusaasa atuuttussanngortinneqartarneri tamanullu nalunaarutigineqartarneri pillugit ilitsersuutip malinnissaa anguniarat-sigu, tamatumani qullersaqarfiup allattoqarfiata kommunaldirektørillu qaquguk-kulluunniit tamatuma qularnaarneqarnissaa akisussaaffigissallugu.

[...]

Ileqqoreqqusat taakku ullumi 17. julimi Naalackersuisut Nunami Namminermi Pissutsinut Allaffiannut nassiuppavut tamanut saqqummiunneqarnissaat eqqarsaatigalugu." (Ombudsmandeqarfimmi nutsigaavoq)

Qeqqata Kommunia e-mailikkut 27. oktober 2020-meersukkut qinnuigaara kommunip qitsuuteqarneq aamma qimmeqarneq pillugu ileqqoreqqusai, tamarmik 11. februar 2015-imi tamanut saqqummiunneqarsimasut sulii atuuttuunersut paasissutissiissutigeqqullugu.

Ileqqoreqqusat marluk taakku tamarmik sulii atuuttuusut Qeqqata Kommuniata e-mailikkut 2. november 2020-meersukkut paasissutissiissutigaa.”